

tuo decoratur, ejusdem Imago apponatur. Voluitque Eadem Sanctitas Sua hanc gratiam suffragari absque ulla Brevis expeditione.

Datum Romae ex Secretaria Sac. Congregationis Indulgentiarum die 17 Maii 1768.

A. CARD. CORSINIUS PRO EM.<sup>o</sup> PRAEF.  
*S. Borgia Secret.*

CCCXV.

CRACOVIAN.

Ad humillimas preces Incolarum Loci Keli Dioecesis Cracoviensis in qua S. Joannes Cantius ortum duxit, Sanctissimus Dominus Noster Clemens PP. XIII benigne inclinatus universis utriusque sexus Christifidelibus, qui vere poenitentes confessi, ac S. Communione refecti devote visitaverint Ecclesiam seu Oratorium publicum in honorem ejusdem Sancti Joannis Cantii erectum die in qua ejus festum celebratur, et die sui ortus vigesima-quarta Decembris; ibique per aliquod temporis spatium juxta mentem Sanctitatis Suae pias ad Deum preces effuderint, Indulgentiam Plenariam incipiendam a primis vesperis praedictorum dierum, usque ad occasum solis clementer concessit. Voluitque Eadem Sanctitas Sua hanc gratiam absque ulla Brevis expeditione perpetuis futuris temporibus fore valituram.

Datum Romae ex Secretaria Sac. Congregationis Indulgentiarum die 17 Maii 1768.

A. CARD. CORSINIUS PRO EM.<sup>o</sup> PRAEF.  
*S. Borgia Secret.*

CCCXVI.

MONIALIUM SANCTISSIMI CORDIS JESU MONASTERII DE BECHORCHE

Ad humillimas preces Abbatissae et Monialium Sanctissimi Cordis Jesu Monasterii de Bechorchae in Kesroano Provinciae Montis Libani sub Patriarchatu Antiocheno Sanctissimus Dominus Noster Clemens PP. XIII benigne inclinatus omnibus Monialibus supradicti Monasterii, quae vere poenitentes, confessae ac S. Communione refectae in qualibet prima feria sexta cujus-

libet mensis propriam Ecclesiam devote visitaverint, ibique per aliquod temporis spatium ante Sanctissimum Eucharistiae Sacramentum, vel Servatoris Nostri Jesu Christi Imaginem juxta mentem Sanctitatis Suae pias ad Deum preces effuderint, Indulgentiam septem annorum totidemque quadragenarum clementer elargitus est. Eamdem pariter Indulgentiam concessit omnibus Monialibus aliorum Monasteriorum sub eodem titulo Sanctissimi Cordis Jesu in Monte Libano existentium nec non Religiosis aliisque utriusque sexus Christifidelibus quomocumque inservientibus. Voluitque Sanctitas Sua hanc gratiam perpetuis futuris temporibus absque ulla Brevis expeditione fore valituram. Datum ex Secretaria Sacrae Congregationis Indulgentiarum die 7 Junii 1768.

A. CARD. CORSINIUS PRO-PRAEF.  
*S. Borgia Secret.*

CCCXVII.

EARUNDUM MONIALIUM

Ad humillimas preces Abbatissae et Monialium Sanctissimi Cordis Jesu Monasterii Bechorche in Kasroano Provinciae Montis Libani sub Patriarchatu Antiocheno Sanctissimus Dominus Noster Clemens PP. XIII benigne inclinatus omnibus Monialibus in praefato Monasterio degentibus, vere poenitentibus, confessis et S. Communione refectis, quae propriam Ecclesiam in quatuor anni diebus ac in una feria sexta Quadragesimae ab Ordinario designandis devote visitaverint, ibique per aliquod temporis spatium juxta mentem Sanctitatis Suae pias ad Deum preces effuderint, qua die praefatorum id egerint, Indulgentiam Plenariam; in reliquis vero Quadragesimae feriis sextis praemissa peragentibus Indulgentiam septem annorum etc. concessit. Eisdemque Monialibus quae in Cappella seu Altari intra Claustra dicti Monasterii sito per novem continuos dies immediate antecedentes festum Nativitatis Domini Nostri Jesu Christi aliqua pietatis opera quotidie exercuerint, Indulgentiam Plenariam, in primo et ultimo praefatorum novem dierum concessit, dummo-

do vere poenitentes, confessae ad S. Eucharisticam Mensam devote accedant et juxta mentem Sanctitatis Suae pias ad Deum preces effundant. Insuper concessit Indulgentiam septem annorum etc. in reliquis septem diebus hujusmodi si eadem devote peregerint. Omnibus pariter Monialibus praedictis, quae vere poenitentes, confessae Sacraque Communione refectae in una die cujuslibet mensis ab Ordinario semel tantum designanda septem Altaria intra claustra dicti Monasterii sita devote visiterint, ibique ut supra oraverint ut eas omnes et singulas Indulgentias et peccatorum remissiones et poenitentiarum relaxationes consequantur, quas consequerentur si septem Altaria Basilicae Vaticanae ad id designata personaliter ac devote visitarent clementer elargitus est. Concessit pariter eisdem, quae ut supra in quatuor anni diebus ab Ordinario designandis devote visiterint supra dicta Altaria seu Cappellas, eas omnes et singulas Indulgentias quas consequerentur si septem Almae Urbis Ecclesias ad id designatas personaliter ac devote visitarent. Ac demum benigne impertitus est supradictis Monialibus vere poenitentibus, confessis ac S. Communione refectis, quae in quatuor anni diebus Scalam intra claustra ejusdem Monasterii sitam et orationi tantum destinatae pie ac devote ascendent, eas omnes et singulas Indulgentias, quas consequerentur si eisdem diebus Scalam Sanctam de Urbe devote ascenderent. Voluitque Eadem Sanctitas Sua omnes supradictas gratias perpetuis futuris temporibus absque ulla Brevis expeditione fore valituras.

Datum Romae ex Secretaria Sac. Congregationis Indulgentiarum die 7 Junii 1768.

A. CARD. CORSINIUS PRO-PRAEF.  
*S. Borgia Secret.*

CCCXVIII.

EARUMDEM MONIALIUM

Ad humillimas preces Abbatissae et Monialium Sanctissimi Cordis Jesu Monasterii Bechorche in Kesroano Provinciae Montis Libani sub Patriarchatu Antiocheno Sanctissimus Dominus

Noster Clemens PP. XIII benigne inclinatus universis utriusque sexus Christifidelibus qui vere poenitentes, confessi ac S. Communionem refecti earumdem Monialium Ecclesiam in feria sexta post Octavam Sanctissimi Corporis Domini devote visiterint, ibique vel ante Sanctissimum Eucharistiae Sacramentum, vel ante Servatoris Nostri Domini Jesu Christi Imaginem juxta mentem Sanctitatis Suae pie oraverint, Indulgentiam Plenariam quae etiam animabus omnium Fidelium Defunctorum per modum suffragii applicari valeant incipiendam a primis vespere usque ad occasum solis ejusdem Ferae sextae benigne concessit. Eandem pariter Indulgentiam concessit Ecclesiis aliorum Monasteriorum sub eodem titulo Sanctissimi Cordis Jesu in Monte Libano existentium. Voluitque Sanctitas Sua hanc gratiam perpetuis futuris temporibus absque ulla Brevis expeditione fore valituram.

Datum Romae ex Secretaria Sac. Congregationis Indulgentiarum die 7 Junii 1768.

A. CARD. CORSINIUS PRO-PRAEF.  
*S. Borgia Secret.*

CCCXIX.

MONIALIUM URSULINARUM COSTANTIEN.

Ad humillimas preces Superiorissae et Monialium Ursularum Lucernae Dioecesis Costantiensis, Sanctissimus Dominus Noster Clemens PP. XIII declaravit tum Moniales praedicti Monasterii, cum aliorum Monasteriorum in Germaniae et Galliarum Regionibus existentium, quae non Regulam S. Augustini profiterentur, sed peculiare Constitutiones ab ipsarum Fundatrice Anna de Xaintonge praescriptas, gaudere in perpetuum in earum Ecclesiis Plenariam Indulgentiam a Sanctitate Sua concessam Ecclesiis Monialium Ursularum sub Regula S. Augustini pro universis utriusque sexus Christifidelibus die 21 Martii ad formam Brevis expediti sub datum 30 Aprilis 1768. Datum Romae ex Secretaria Sac. Congregationis Indulgentiarum die 2 Augusti 1768.

A. CARD. CORSINIUS PRO-PRAEF.  
*S. Borgia Secret.*

CCCXX.

MEXICAN.

Sanctissimus Dominus Noster benigne annuens pro gratia omnibus viris qui moralibus Concionibus ac Sac. Lectionibus in singulis Feriis secundis, quartis et sextis Quadragesimae in Parochiali Sacratio nuncupat. Ecclesiae Cathedralis Civitatis Mexicanae in Indiis peragi consuetis devote interfuerint, Indulgentiam septem annorum totidemque quadragenarum pro qualibet vice clementer elargitus est. Ac insuper concessit Christifidelibus, qui saltem sexies praefatis spiritualibus exercitiis interfuerint, Indulgentiam Plenariam in una Quadragesimae die eorum libito eligenda, in qua vere poenitentes confessi ad S. Eucharisticam Mensam devote accesserint. Non obstantibus in contrarium facientibus quibuscumque. Praesenti in perpetuum valituro. Voluitque Sanctitas Sua hanc gratiam suffragari absque ulla Brevis expeditione. Datum Romae ex Secretaria S. Congregationis Indulgentiarum die 2 Augusti 1768.

A. CARD. CORSINIUS PRO-PRAEF.  
*S. Borgia Secret.*

CCCXXI.

MEXICAN

Sanctissimus Dominus Noster Clemens PP. XIII benigne annuens pro gratia universis utriusque sexus Christifidelibus qui Explanationi Cathedismi, seu Doctrinae Christianae tempore Quadragesimali per tres vices a Parochis aut aliis Sacerdotibus Civitatis, et Dioecesis Mexican in Indiis de licentia Ordinarii peragendae devote interfuerint, et in Dominica Passionis vere poenitentes confessi, ac S. Communione relecti, aliquam Ecclesiam praedictae Civitatis vel Dioecesis devote visitaverint, ibique per aliquod temporis spatium juxta mentem Sanctitatis Suae pias ad Deum preces effuderint, Indulgentiam Plenariam benigne concessit. Non obstantibus in contrarium facientibus quibuscumque.

Voluitque Sanctitas Sua hanc gratiam perpetuis futuris temporibus fore valituram absque ulla Brevis expeditione.

Datum Romae ex Secretaria Sac. Congregationis Indulgent. die 2 Augusti 1768.

A. CARD. CORSINIUS PRO-PRAEF.  
*S. Borgia Secret.*

CCCXXII.

ALBIGANEN.

Ad humillimas preces Confratrum Confraternitatis S. Joannis Baptistae Lonni Dioecesis Albiganen. Archiconfraternitati Sanctissimi Nominis Mariae Urbis aggregatae, Sanctissimus Dominus Noster Clemens PP. XIII benigne inclinatus omnibus Confratribus et Consororibus vere poenitentibus confessis, et S. Communione relectis, qui Ecclesiam seu Oratorium publicum dictae Confraternitatis in festo Sanctissimi Nominis Mariae devote visitaverint, ibique per aliquod temporis spatium juxta mentem Sanctitatis Suae pias ad Deum preces effuderint, Indulgentiam Plenariam lucrandam a primis vesperis usque ad occasum solis ejusmodi diei festi, clementer concessit. Iisdem vero Confratribus et Consororibus, qui in diebus praeparationis ante idem festum, Orationi mentali, et spirituali exercitio fieri consuetis, devote vacaverint, Indulgentiam septem annorum etc. pro qualibet vice benigne impertitus est. Voluitque Sanctitas Sua hujusmodi gratias perpetuis futuris temporibus fore valituras, absque ulla Brevis expeditione. Datum Romae ex Secretaria Sac. Congregationis Indulgentiarum die 9 Augustii 1768.

A. CARD. CORSINIUS PRO-PRAEF.  
*S. Borgia Secret.*

CCCXXIII.

ASSISIEN.

Ad humillimas preces FFr. Min. Obser. Ordinis S. Francisci Basilicae S. Mariae Angelorum Assisii, Sanctissimus Dominus Noster Clemens PP. XIII benigne inclinatus, concessit, Privile-

giatum quotidianum in Perpetuum pro Religiosis tantum dicti Ordinis Altare S. Petri Regalati situm in Choro Nocturno. Quibuscumque in contrarium facientibus non obstantibus. Voluitque Sanctitas Sua hanc gratiam perpetuis futuris temporibus fore valituram absque ulla Brevis expeditione. Datum Romae ex Secretaria Sac. Congregationis Indulg. die 23 Augusti 1768.

A. CARD. CORSINIUS PRO-PRAEF.  
*S. Borgia Secret.*

CCCXXIV.

FF. ORDINIS SANCTISSIMAE TRINITATIS DISCALCEATORUM

Ad humillimas preces Fr. Michaelis a S. Francisco de Paula Procuratoris Generalis Ordinis Sanctissimae Trinitatis Discalceatorum Sanctissimus Dominus Noster Clemens PP. XIII benigne inclinatus, omnibus tum Regularibus, tum Confratribus ejusdem Ordinis Sanctissimae Trinitatis Discalceatorum, qui saltem corde contriti eandem Sanctissimam Trinitatem invocabunt sequens Trisagium devote recitantes « *Sanctus, Sanctus, Sanctus Dominus Deus exercituum, plena est terra Gloria Tua, Gloria Patri, Gloria Filio, Gloria Spiritui Sancto* » centum dierum Indulgentiam semel in die lucranda concessit. In Dominicis vero, in festo Sanctissimae Trinitatis, et per totam ejus Octavam eandem centum dierum Indulgentiam, ter in die lucranda concessit. Voluitque Sanctitas Sua hanc gratiam absque ulla Brevis expeditione perpetuis futuris temporibus fore valituram.

Datum Romae ex Secretaria Sac. Congregationis Indulgentiarum die 13 Septembris 1768.

A. CARD. CORSINIUS PRO-PRAEF.  
*S. Borgia Secret.*

CCCXXV.

SCEPUSII IN HUNGARIA

Ad humillimas preces P. R. Ambrosii Eremitae Camaldulensis Montis Coronae in Eremo Lethniz in Scepusio in Hungaria actualis Prioris Sanctissimus Dominus Noster Clemens PP. XIII

benigne inclinatus universis utriusque sexus Christifidelibus qui corde saltem contriti ante statuam Sanctissimae Trinitatis prae foribus dicti Eremitae collocatam ter *Pater et Ave et Gloria Patri* devote recitaverint, Indulgentiam centum dierum in qualibet Dominica, ac in singulis diebus infra Octavam Festivitatis ejusdem Sanctissimae Trinitatis lucranda elementer elargitus est, non obstantibus in contrarium facientibus quibuscumque. Voluitque Sanctitas Sua hanc gratiam perpetuis futuris temporibus fore valituram absque ulla Brevis expeditione. Datum Romae ex Secretaria Sac. Congregationis Indulgentiarum die 20 Septembris 1768.

A. CARD. CORSINIUS PRO-PRAEF.  
*S. Borgia Secret.*

CCCXXVI.

URBIS

Ad humillimas preces Incolarum Regionis Burgi Urbis, alias Civitatis Leoninae, Sanctissimus Dominus Noster Clemens PP. XIII benigne inclinatus universis utriusque sexus Christifidelibus, qui vere poenitentes, confessi, et S. Communionem refecti Ecclesiam Sanctorum Michaelis et Magni Burgi Dominica immediate sequenti festum S. Leonis PP. IV, Fundatoris ejusdem Civitatis, in qua ipsius festivitas celebrabitur, devote visitaverint, ibique per aliquod temporis spatium juxta mentem Sanctitatis Suae piis ad Deum precibus effuderint, Indulgentiam Plenariam incipiendam a primis vespere usque ad occasum solis praedictae Dominicae elementer elargitus est. Voluitque Eadem Sanctitas Sua hanc gratiam perpetuis futuris temporibus absque ulla Brevis expeditione fore valituram. Datum ex Secretaria Sac. Congregationis Indulgentiarum die 20 Septembris 1768.

A. CARD. CORSINIUS PRO-PRAEF.  
*S. Borgia Secret.*

CCCXXVII.

ALBANEN.

Ad humillimas preces Reverendissimi Fr. Francisci M. Bergomen. Concionatoris Apostolici Sanctissimus Dominus Noster Clemens PP. XIII benigne inclinatus concessit Privilegium quotidie in perpetuum pro animabus omnium Fidelium Defunctorum Altare Oratorii adnexi Ecclesiae Minorum Cappuccinorum Albani erectum in honorem Sacrorum Stigmatum Beatissimi Patris Francisci. Voluitque Eadem Sanctitas Sua hanc gratiam absque ulla Brevis expeditione fore valituram. Datum Romae ex Secretaria Sac. Congregationis Indulgent. die 20 Septembris 1768.

A. CARD. CORSINIUS PRO-PRAEF.  
*S. Borgia Secret.*

CCCXXVIII.

TREVIREN.

Ad humillimas preces Josephi Munier Moderni Abbatis Monasterii Mediolanensis Ord. Cisterciensis Dioecesis Trevirensis, Sanctissimus Dominus Noster Clemens PP. XIII benigne inclinatus, eidem concessit facultatem erigendi in loco Losheim in propria Rure privatum Sacellum, in quo tam Orator ejusque Successores, quam alii Religiosi praedicti Ordinis, dum ibi commorantur Missam celebrare, et gaudere possint Altare privilegiato, quo gaudent Ecclesiae ejusdem Ordinis, ac insuper omnibus et singulis Indulgentiis, quibus certis statutis diebus gaudent Ecclesiae praedictae. Voluitque Eadem Sanctitas Sua hanc gratiam in perpetuum fore valituram absque ulla Brevis expeditione non obstantibus etc. Datum Romae ex Secretaria Sac. Congregationis Indulgent. die 16 Novembris 1768.

L. CARD. CALINUS PRAEF.  
*S. Borgia Secret.*

CCCXXIX.

ORDINIS SANCTISSIMAE TRINITATIS DISCALCEATORUM  
REDEMPTIONIS CAPTIVORUM

Ad humillimas preces Procuratoris Generalis Ordinis Sanctissimae Trinitatis Discalceatorum Redemptionis Captivorum Sanctissimus Dominus Noster Clemens XIII benigne inclinatus concessit ut in proximo futuro anno et quotiescumque festum S. Joannis de Matha praefati Ordinis Fundatoris transferri contigerit in omnibus ejusdem Ordinis Ecclesiis ubique locorum existentibus universis utriusque sexus Christifidelibus rite dispositis supradicti Ordinis Sacerdotes ea die in qua praedictum festum celebrabitur Absolutionem generalem cum Indulgentiis adnexis impertiri valeant. Voluitque Eadem Sanctitas Sua hanc gratiam perpetuis futuris temporibus fore valituram.

Datum Romae ex Secretaria Sac. Congregationis Indulgentiarum die 29 Novembris 1768.

L. CARD. CALINUS PRAEF.  
*S. Borgia Secret.*

CCCXXX.

FF. CARMELITARUM DISCALCEATORUM BELDIEZOVIE IN POLONIA

Ad humillimas preces FFr. Carmelitarum Discalceatorum Beldiezovie in Polonia Sanctissimus Dominus N. Clemens PP. XIII benigne inclinatus universis utriusque sexus Christifidelibus qui genuflexi et corde saltem contriti eorum uno ex duobus, qui nunc in Oratorum Ecclesia munus Poenitentiarum exercent et in posterum in eodem munere successoribus devote se Virgae submiserint, Indulgentiam viginti dierum clementer concessit, quam etiam iidem Poenitentiarum quoties id egerint lucrari valeant. Voluitque Sanctitas Sua hanc gratiam perpetuis futuris temporibus absque ulla Brevis expeditione fore valituram.

Datum Romae ex Secretaria Sac. Congregationis Indulgentiarum die 13 Decembris 1768.

L. CARD. CALINUS PRAEF.  
*S. Borgia Secret.*

CCCXXXI.

MONIALIUM URSULINARUM

Ad humillimas preces Monialium Ursularum Urbis Sanctissimus Dominus Noster benigne inclinatus universis utriusque sexus Christifidelibus, qui vere poenitentes confessi, Sacraque Communione refecti aliquam ex Ecclesiis Monasteriorum seu Collegiorum Monialium Ursularum ubicumque locorum existentibus hactenus erectis, et in posterum erigendis devote visitaverint die trigesimaprima Martii, ibique per aliquod temporis spatium juxta mentem Sanctitatis Suae pias ad Deum preces effuderint, Indulgentiam Plenariam incipiendam a primis vesperis usque ad occasum solis praedicti diei benigne concessit; cum revocatione tamen alterius Decreti Indul. obtenti pro die vigesimaprima Martii. Voluitque Sanctitas Sua hanc gratiam perpetuis futuris temporibus fore valituram absque ulla Brevis expeditione. Datum Romae ex Secretaria Sac. Congregationis Indulg. die 10 Januarii 1769.

L. CARD. CALINUS PRAEF.  
*S. Borgia Secret.*

CCCXXXII

FF. DISCALCEATORUM ORDINIS SANCTISSIMAE TRINITATIS  
REDEMPTIONIS CAPTIVORUM

Ad humillimas preces Fr. Michaelis a S. Francisco de Paula Procuratoris Generalis Ordinis Fratrum Discalceatorum Sanctissimae Trinitatis Redemptionis Captivorum Sanctissimus Dominus Noster Clemens PP. XIII benigne inclinatus confirmavit omnes et singulas infrascriptas Indulgentias alias a Summis Pontificibus suis Praedecessoribus Fratribus ejusdem Ordinis concessas, nimirum quoties vere poenitentes et confessi, et S. Communione refecti pro felici statu et pace S. R. E. totius Reipublicae Christianae per spatium unius horae contemplationi vacaverint, et in honorem Sanctissimae Trinitatis Hymnum *Te Deum laudamus* devote recitaverint, vel Coronam B. M. V. dixerint, vel Cilicium portaverint, vel

per spatium Psalmi *Miserere mei Deus etc.* se flagellis ceciderint, Plenariam omnium peccatorum suorum quatuor tantum vicibus in anno lucranda; Indulgentiam pariter Plenariam in mortis articulo, si vere poenitentes, et confessi et S. Communione refecti; vel quatenus id facere nequiverint saltem contriti Sanctissimum Jesu Nomen ore si potuerint, sin minus corde devote invocaverint. Insuper eisdem Religiosis qui dictum Ordinem in suo primitivo vigore perseverare curaverint, sanctas Consuetudines, Constitutiones et Regulam diligenter servaverint, seu superiorum mandatis prompte obtemperaverint, aut ter in hebdomada, ut moris est se flagellaverint, vel duabus horis quotidianis Orationi mentali praesentes fuerint, aut jejunaverint, seu Cilicium portaverint, vel Refectorium cum aliqua mortificatione intraverint sive pedes Religiosorum humiliter deosculati fuerint, vel alapen in memoriam Passionis Christi susceperint, seu culpas ordinarias coram aliis Religiosis in Capitulis Culparum dixerint, sive Sacrosancto Missae Sacrificio aut horis canonicis devote interfuerint, seu voluntatem suam adnegaverint, aut aliquem actum humilitatis, Fidei, Spei et Charitatis vel alicujus virtutis fecerint, aut res ad Captivorum Redemptionem pertinentes diligenter tractaverint, toties pro quolibet praefatorum operum exercitio Indulgentiam centum dierum benigne pariter confirmavit. Voluitque Sanctitas Sua has omnes et singulas gratias perpetuis futuris temporibus absque ulla Brevis expeditione fore valituras. Datum Romae ex Secretaria Sac. Congregationis Indulgentiarum die 17 Januarii 1769.

L. CARD. CALINUS PRAEF.  
*S. Borgia Secret.*

CCCXXXIII.

FF. ORDINIS S. FRANCISCI CAPPUCINORUM

Ad humillimas preces Fr. Erhardi Radkerspurgensis Definitoris et Procuratoris Generalis Ord. Min. S. Francisci Cappucinatorum Sanctissimus Dominus Noster Clemens PP. XIII benigne inclinatus; universis utriusque sexus Christifidelibus qui aliquam ex Ecclesiis Fratrum ejusdem Ordinis ubicumque existentem die